

¡BOMBA!


Ya no parece bonito
lo que acontece en Campeche;
ahí ya ni quien aproveche
aún los terrenos de *Alito*



K'untzil

Lunes 8 de diciembre de 2025

CAMPECHE · YUCATÁN · QUINTANA ROO · AÑO 11 · NÚMERO 2622 · www.lajornadamaya.mx



Oochel Estefanía Cardeña

Je'eb kúuchil nonojkúunsik u meyaj PetStar, tu'ux ku jeel k'a'abéetkunsal u PETil janabe'enba'alo'ob

PetStar, u kúuchil u réesiklaarta'al PET ku meyaj ti'al janabe'enba'alo'ob -grado alimenticio- maas jach nojoch yaan tu noj lu'umil México yéetel yóok'ol kaab, ts'a'aban tu noj kaa'il Tolucae', tu káaj'saj u meyaj Fase 3, te'el k'iino'oba'. Yéetel le túumben kúuchil je'ek'abta'aba' yaan u ya'abtal 70 por siientoil le beyka'aj próoduxion ku béeytal u resiklarta'al resiinaa, ts'o'oke' yaan u mu'uk'ankúunsal xan u kúuchil tu'ux ku k'amal wa u beeta'al akopyoo.

Ikil taan u nojochkiinsal meyaj, ti' le 50 mil tóoneladaas

suuk u meyajta'al ti'al réesiklaarta'al resinae', yaan u náaka'al tak 86 mil tóoneladaasil PET ichil jump'éeel ja'ab. Lela' u k'aat u ya'alej kex 5 mil 500 miyoonesil boteyaasil yaan u béeytal u ka' oksa'al ichil u káadenail báalor éemboteyadorilo'ob.

La Jornada Mayae' béeychaj u bin te'el k'iin ka'aj je'eb kúuchil, úuchik u t'aanal tumen Bepensa, jump'éeel u áaxionistail mola'ay PetStar, tu'ux táaka'an xan Arca Continental, Coca-Cola México, Corporación del Fuerte, Grupo RICA, Grupo Embotellador Nayar yéetel Embotelladora de Colima.

Tu súutukil je'eb kúuchile', táakpaj Alicia Bárcena, máax jo'olbesik Medio Ambiente y Recursos Naturales, máax tu ya'alaj PetStar, jump'éeel mola'ay Méxicoil u ch'i'ibal, ts'o'oke' k'a'anan ti'al u mu'uch'ul nu'ukulo'ob ku réesiklaarta'al ba'ale' le de graadóo áalimentisyoo.

Beyxan tu ya'alaje' "u kúuchil PetStar' jump'éeel saasil e'esajil ti' bix je'el u páajtal u ch'éenel u k'a'abéetkunsal túumben plaastikóo te'el k'iino'oba', tumen u jeel meyaj ti' máak le yano'obe' je'el u béeytal u beeta'al ya'abach juntéenake'".

Bárcenae' tu ya'alaj xan saansamal tu noj lu'umil Méxicoe' ku jóok'ol 120 mil u tóoneladasil baasura, le beetike' tu ts'aaj u niib óolalil ti' Alejandra Malagón Barragán, máax jo'olbesik Confederación de Cámaras Industriales (Concamin) úuchik u táakmuk'tik Ley General de Economía Circular; tumen walkila' ts'o'ok u yoksa'al tsikbaltbil Cámara de Diputados, ti'al u saasilkunsal bix u k'a'abéetkunsal wa u péektsilta'al túumben nu'ukukulo'ob ti'al u láak'inta'al mola'ayo'ob ti'al ka béeyak u k'uchul u k'a'abéetkunsalob xan tu beel yéetel tu jach no'ojanil.

ESTEFANÍA CARDEÑA